

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj 7/10) i Zaključka o usvajanju Programa utroška sredstava pod nazivom „Program kapitalnih ulaganja za 2022. godinu, Ministarstva za pravosuđe i upravu Zeničko-dobojskog kantona, sa pozicije-Rekonstrukcija i investiciono održavanje“, broj: 02-11-13339/22 od 01.09.2022. godine, a na prijedlog Ministarstva za pravosuđe i upravu, Vlada Zeničko-dobojskog kantona, na 170. sjednici, održanoj 01.09.2022. godine,
d o n o s i

ODLUKU

o odobravanju finansijskih sredstava Ministarstvu za pravosuđe i upravu za rekonstrukciju i investiciono održavanje zgrade suda

Član 1.

(Predmet odluke)

Odobravaju se finansijska sredstva u iznosu od 215.000,00 KM Ministarstvu za pravosuđe i upravu (slovima: dvijestotinepetnaest hiljada konvertibilnih maraka), na ime rekonstrukcije i investicionog održavanja zgrade Općinskog suda u Zenici.

Član 2.

(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kanona“, broj: 1/22 i 14/22), razdjel 16-Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821600 pozicija - Rekonstrukcija i investiciono održavanje.

Član 3.

(Postupak realizacije)

Ministarstvo za pravosuđe i upravu će realizaciju rekonstrukcije i investicionog održavanja zgrade Općinskog suda u Zenici vršiti isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec, osim za izuzetne slučajeve odobrene posebnim aktima koje utvrdi Vlada Kantona.

Član 4.

(Subjekti realizacije)

Za realizaciju ove odluke zadužuju se Ministarstvo za pravosuđe i upravu i Ministarstvo finansija, svako u okviru svojih nadležnosti.

Član 5.

(Stavljanje van snage)

Stupanjem na snagu ove Odluke stavlja se van snage Odluka o odobravanju finansijskih sredstava Ministarstvu za pravosuđe i upravu za rekonstrukciju i investiciono održavanje zgrade suda („Službene novine Zeničko-dobojskog kantona“, broj 8/22).

Član 6.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-11-13343/22

Datum, 01.09.2022. godine

Z e n i c a

PREMIJER

Mirnes Bašić

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x „Službene novine Zeničko-dobojskog kantona“,

1x a/a.